

# HOËRSKOOL PIONIER



## ALGEMENE SKOOLREËLS

1. Die skool se leuse “Geloof, Lewenskrag en Vooruitgang” is die rigsgnoer van ons Christelike Nasionale beginsels. Dit word verwag van elke leerling om hierdie beginsels as norme te handhaaf.
2. Die voorgeskrewe skooldrag is verpligtend, en moet met trots gedra word.
3. Tydens alle skoolgeleenthede moet skooldrag gedra word, tensy spesiale toestemming verleen word. Voorgeskrewe sportdrag moet gedra word by sportfunksies.
4. Geen leerlinge mag gedurende skoolure die skoolterrein verlaat sonder toestemming van die hoof of adjunkhoof nie. Dit geskied deur middel van ‘n verlofbriefjie, waarna **uitgeteken en teruggeteken** moet word by die sekretaresse. Geen afspraak by dokters of tandarts mag gedurende skoolure gemaak word nie. Indien sulke afspraak noodgedwonge binne skoolure is, moet bewys daarvan gelewer word deur middel van ‘n kaartjie of brief van die dokter/tandarts of ouers. **Begrafnisse** mag slegs bygewoon word indien ouers skriftelike toestemming vra, of hulle moet die leerlinge persoonlik kom haal en terugteken.
5. **Seuns** se hare moet kort en netjies, volgens die skool se voorskrifte gedra word. Hare mag nie gebleik of gekleur word nie. Geen nuwerwetse style is aanvaarbaar nie.
6. **Dogters** se hare moet netjies wees. As dit lank is, moet dit vasgebind of gevleg wees en dit moet uit die gesig uit vasgemaak wees. Hare mag nie gebleik, gekleur of permanent gegolf word nie. Uitheemse, uitspattige, nuwerwetse style wat afbreuk doen aan die waardigheid van ons uniform, is onaanvaarbaar. Die standaard dogterskoolskoene moet gedra word.
7. Geen juweliersware (behalwe polshorlosie), armbandjies (kultureel, godsdienstig, medies of gesondheids) of ander versiersels mag gedra word nie. Slegs een stel klein oorkrabbertjies (studs) of ringoorbelle word toegelaat by dogters. Geen neusringe of tongringe word toegelaat nie.
8. Naels moet skoon, kort en sonder naellak wees, en geen grimering word toegelaat nie. As ‘n dogter op haar knieë staan moet die romp op die meeste 8 cm van die grond af hang.
9. Kleure vir buitemuurse en akademiese prestasies sal toegeken word volgens die neergelegde vereistes. Kleuretoekennings is ‘n voorreg en kan as gevolg van wangedrag weggeneem word.
10. Van elke leerling word verwag om die skool se buitemuurse bedrywighede te ondersteun.
11. Tensy medies ongeskik, word van elke leerling verwag om aan minstens een winter en een somersport deel te neem.
12. Die besit en gebruik van **rook, drank en dwelmiddels is ten strengste verbode**. Enige okkultiese bedrywighede is ook ten strengste verbode. Oortreding van enige van voorgenoemde sal in ‘n baie ernstige lig beskou word en kan lei tot skorsing van so ‘n leerling.
13. Beskadiging van skoolgeboue en/of eiendom is ‘n ernstige oortreding. Enige skade moet onmiddellik aangemeld word. Leerlinge sal moet vergoed vir enige moedswillige skade.

14. Die skoolgeboue en –terrein moet altyd netjies en skoon gehou word.
15. Slegs boektasse met afskortings wat die boeke kan beskerm mag gedra word. Seilsakke word verbied. Daar mag nie op tasse gekrap word en plakkertjies mag nie op tasse geplak word nie.
16. Letterkunde handboeke word gratis aan leerlinge uitgereik. As 'n leerling aan die einde van die jaar versuim om handboeke wat aan hom/haar uitgereik is, in te lewer, sal hy/sy die volgende jaar nie boeke ontvang nie TENSY die betrokke boek/e terugvind en ingelewer word, of daarvoor betaal is. Dit geld ook vir biblioteekboeke. Indien 'n leerling gedurende die jaar na 'n ander skool vertrek en nie handboeke aan hom/haar uitgereik inlewer nie, sal geen oorplasingssertifikaat of lêers aangestuur of oorhandig word nie.
17. Tydens klaswisseling (of na byeenkoms) moet leerlinge stilbly en in enkelrye beweeg sonder verkwisting van tyd.
18. Geen leerlinge word voor skool of gedurende pouse in die klasse toegelaat nie, behalwe onder toesig van 'n onderwyser.
19. Waskamers moet ten alle tye netjies en sindelik gehou word. Geen tyd mag in waskamers verkwis word nie.
20. Indien 'n leerling afwesig was, moet hy/sy op die dag wanneer hy/sy terugkeer skool toe, 'n voorgeskrewe brief van sy/haar ouer of voog, waarin die rede vir die afwesigheid gegee word, aan die betrokke klasonderwyser gee. Die hoof mag na goeddunke versoek dat 'n mediese sertifikaat voorgelê word. Afsprake met enige verkeersdepartement, universiteit of dokter moet so gemaak word dat dit na skool nagekom word.
21. Afwesigheid tydens eksamens kan die toekenning van Akademiesekleure beïnvloed.
22. Leerlinge mag nie voor, na of tydens skoolure by vriende in motors buite of binne die skoolterrein of koshuis sit of wees nie.
23. Geen leerlinge mag duim gooi terwyl hy/sy die skooldrag aan het nie. (Skooldrag sluit alle sportdrag in.)
24. Terwyl 'n leerling in skooldrag is, is alle skoolreëls van toepassing en oortreding daarvan binne of buite die skool kan strafmaatreëls teen so 'n leerling tot gevolg hê.
25. Getuigskrifte sal nie outomaties nie, maar op meriete aan leerlinge gegee word.
26. Die gesag en dissipline van die skoolhoof en personeel moet ten alle tye aanvaar word.
27. Hierdie reëls kan te enige tyd na die goeddunke van die Hoof, in konsultasie met die Beheerliggaam, gewysig word.